

水東村營駐劄涑水縣城北二十五里分撥兵丁守護 怡賢親王園寢風水地面共堆撥九處週圍四十一里東五里至昭山汛西四里至西鋪汛南三里至南鋪汛北五里至北鋪汛四至外俱係涑水縣地暨涑水營汛別無墩鋪

紫荆關營統轄本營暨白石廣昌插箭嶺礮山等營駐劄易州城西八十里紫荆關城東五十五里至雙槐樹與易州界西七十里至浮圖峪與廣昌界南十三里至杏樹林與易州界北三十里至建昌司與馬水口界分防三汛

浮圖峪汛分防易州地浮圖峪城東三十五里至塔崖驛與紫荆關界西四里至二道河與廣昌營界南八里至甯靜安與五虎嶺界北十八里至長嶺口與烏龍溝界

烏龍溝汛分防易州地烏龍溝城東二十里至塔崖驛與

紫荆關界西二十里至三道城與廣昌營界南十八里至馬家屯與浮圖峪界北三十里至黃安嶺與馬水口界甯靜安汛分防廣昌縣甯靜安城東三十里至黃沙口與小盤石界西十里至黃草菴與白石口界南四十里至黃石堂與五虎嶺界北六里至廣口溝與浮圖峪界

白石口營駐劄廣昌縣南二十有五里東二十里至葫荻口又二十里至黃草安與甯靜安界西二十里至羊圈子又四里至黑石溝與插箭嶺界南八里至橫梁溝與廣昌營界北一里至鎮遠山與廣昌營界分防三汛

葫荻口汛分防廣昌縣地東二十里至黃草安與甯靜安界西二十里至白石口與白石口界南七里至前葫荻村與廣昌營界北一里至下城亦與廣昌營界